

Naqqiut

Siusinnerusukkut 23. oktober 2016-imi nassiunneqarsimasumut taartaasooq.

(*Naalakkersuisup taaguutaa allanngortinneqarpoq naalakkersuisoqarfitt
allanngortinneqarnerisa kingunerisaanik*)

**Uunga siunnersuut: KNI A/S pillugu Inatsisartut peqqussutaata
allanngortinneqarneranik Inatsisartut inatsisaat**

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu
Allanut Naalakkersuisoq)

Akissuteqaat

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu
Allanut Naalakkersuisoq)

Aappassaaneernera

Matumuuna Inuussutissarsiornermut Ataatsimiititaliap isumaliutissiissutaanut, aammalu
ataatsimiititaliamit amerlanerussutilit siunnersummut tapersersuineranut Naalakkersuisut
sinnerlugit qujavunga.

Ataatsimiititaliap oqaaseqaatai Naalakkersuisut tusaatissatut tiguaat, inassutilu
assigiinngitsut eqqumaffiginiarpaat.

Usinik ilaasunillu angallassisarnerit, aamma aalisakkanut qalerualinnullu tunitsivinnik
tunisassiorfinnillu pilersitsillunilu attassinerit pilligit isumaqatigiissutinik atsiuinissamut
pisussaaffigisamut tunngatillugu inatsisaasuni aalajangersakkat atorunnaarsinnissaannut
annertuumik tapersersuisoqartoq Naalakkersuisut malugaat.

Saniatigut ikummatissanik imerpalaunik siunissami pilersuinissaq pillugu
aalajangiussaqarsinnaanernut atatillugu ataatsimiititaliap oqaaseqaatai isumaliutaalu
Naalakkersuisut eqqumaffigaat.

Inaarutaasumik aalajangiussisoqartinnagu avitsinissamik pilersaarutaasinnaasut
ataatsimiititaliamut ilisimatitsissutitut nassiunneqarnissaannik Naalakkersuisut
qulakteerinninniarput.

Taamaallutik Naalakkersuisut siunnersuut Inatsisartunut suliassanngortippaat,
siunnersuutillu akuerineqarnissaa inassuteqaatigalugu.